



# South Australia Zatlang-Nunphung Nawlpeknak Ca

*The South Australian Multicultural Act 2021* nih zatlang-nunphung le nunphung tampi cawhpawlnhak (multiculturalism) hna thanchonak caah South Australia Zatlang-nunphung Nawlpeknak ca (South Australian Multicultural Charter (the Charter) kha a ser. Hi Nawlpeknak ca nih South Australia mi, ai-awh riantuantu (agencies), mi-bu (organisations), zung (institutions), chawlehnak le mibu vialte caah an riantuannak suaisamnak le pehzulhnak caah tinhpiakmi le zohchun a si lai.

## South Australia Zatlang-nunphung Nawlpeknak ca nih theihpinak:

- Aboriginal mipun hna cu South Australia chung ah Kokek sinak in ram a Ngeitu le hi ti le ram a tla tu an si i an nunphung a phunphun le pipu chan i zumhnak caan saubik pezulh in a kilkawi mi le a thanchoter mi, South Australia ah Miphun Hmasa bik an sinak ah a biapitukmi tuanbia le tuavo a ngeimi an si.
- Kanmah hlan ah a rak phanmi an tefa hna an l zuamnak le an hlawhtlinnak, cun mi thar hna le a thangcho liomi mipun hna thawng in South Australia muisam cu a remh.

## Hi Nawlpeknak ca cu South Australia mi dihlak caah asi l aa tinhmi cu:

- Kan mibu hna kha nunphung, hawlh, mipun le biaknak a phunphun hna kha theihpinak in a pehtlaih.
- Thatho tein chimphuannak, hngalhnak, ruahnak, hmuhning i thlennak khawhnak ser in South Australia mi dihlak nih i dannak l a man le a rumnak kha thuk deuh in theihthiamnak le upatnak a um khawnnak ding.
- Kan mibu hna le kan Peng kulh a thancho khawnnak ding caah zatlang-nunphung zulhdng le tuanvo ngei tu hna nih riantuannak ding caah a hrampi thanchoternak kha a pek.
- South Australia mi vialte caah zapi cohlannak le zumhtlak riantuannak le mibu si dingah a forhfial.

Honourable Peter Malinauskas MP  
Premier of South Australia

Honourable Zoe Bettison MP  
Minister for Multicultural Affairs

Damien Walker  
Chief Executive  
Department of the Premier and Cabinet

## Nawlpeknak ca Ahrampi

### South Australia mi Zatlang-nunphung lei Tinhmi ca nih Ahrampi asimi hna a ser i cu nih cun:

1. South Australia mi vialte nih nunphung lei, holh lei, mipun he aa pehtlaimi le biaknak lei a phunphunsinak lei i dannak kha an hngalhpi, an upat i man an neihter i, kan Ram caah bawmhnak peknak kha pehzulh in an tuah.
2. South Australia mi vialte cu kan nunphung lei, holh lei, mipun he aa pehtlaimi lei le biaknak lei a phunphun sinak lei i dannak cung ah khat le khat hngalhnak fimnak le theihthiamnak i thlennak ah i tel dingin thapek an si.
3. South Australia mi vialte cu Aa sengtlaimi zatlangbu kap dihlak ah an um kho, rian an tuan kho i cawnnak an nei kho.
4. South Australia mi vialte nih an nunphung, holh, mipun he aa pehtlaimi le biaknak lei hnulei sinak ah hrambunh in thleidannak in an luat i, khat le khat upatnak, theihthiamnak, tlukrualnak, himnak lei covo an nei.
5. South Australia mi vialte nih an nunphung lei, holh lei le biaknak lei a phunphun sinak lei i dannak kha kilvannak, chimpuan langhternak, hmanna le conglawmhnak kha upadi ning in an tuah khawh lai.
6. South Australia mi vialte cu kan Rampi fimthiam cawnnak, zatlang, nunphung lei, sipuazi lei le ramkhel nunnak lei ah teltumna a bawmmi caanthea hmuhnak pawl le riantuanpiaknak pawl ah i tlukruang tein luhnak nawl an nei.